

Transkription von Urkunde PRE 1327a

Ort, Datierung: Prenzlau, 1327-07-15

Signatur: Brandenburgisches Landeshauptarchiv in Potsdam, Rep. 8, U45

Inhalt: Markgraf Friderich: Rechtsbestätigung

Wir friderich von Gotis gnaden lantg(re)ue zû duringe(n) Marcg(re)ue zû Misne vnd in deme Osterlande . vnd / herre in deme lande plisne . bekenne(n) ofenlich . an disem brýfe . Gesche daz dī stad vnd daz / land zû prentzlawe . an vns geuīle von Tote . vnsers swagers Marcg(re)uen ludewiges von / B(ra)ndenburch als sī vns gelobt . vnd gesworn haben . daz wir dī selbe stad das land . / vnd dī . Lute . lazen schuln bi allem rechte . bi . aller vriheit vnd bie aller gut(er) ge=/wonheit . di sī gehabd habn bie . den alden M(a)rcgr(e)ue(n) von B(ra)ndenburch vnd bie M(a)rcg(re)ue(n) / Ludewige vnsme swage(r) deme vorgna(n)ten , di sī mit brýfen bewisen mügen Zû eým / orkunde hab(en) wir in disen brýf lazen . geben . beuestent mit vnsme insegele , da bie / geweist sin(d) . vnse h(er)re bischof withige von Misne . vnse ome g(re)ue B(er)told vo(n) hennenber(g?) / Bosso von Mansueld Gunthe(r) von keue(r)nb(er)g ? dī greue(n) heinrich voýt von plawe . d(er) ruze / gnand ist vnd anderr vrom(er) Lute gnok . ditz ist gesche . vnd dirre brif ist . gegeben / nach Gotis geburd tusend iar drýhund(er)t iar in dem sybenundezwe(n)tzigistem ia(r)e an / der neisten Mittewochen . nach sente m(a)rgareten tagen